

Tiranë më 20/10/2020

STATUTI

I SHOQËRISË ME PËRGJEGJËSI TË KUFIZUAR "Aliaj-Dermishaj&Partners" Sh.p.k.

KAPITULLI I THEMELIMI, EMËRTIMI, OBJEKTI, SELIA, KOHËZGJATJA

Neni 1 - Themelimi, Forma dhe Ortakët

- 1.1. Sot me datë 20.10.2020 të nënshkruarit si ortakë të vetëm themelues të Shoqërisë kanë vendosur të krijojnë një shoqëri me përgjegjësi të kufizuar emërtimi i të cilës do të jetë "Aliaj-Dermishaj&Partners" Sh.p.k.
- 1.2. Shoqëria "Aliaj-Dermishaj&Partners" (më poshtë "Shoqëria") është e krijuar si një shoqëri me përgjegjësi të kufizuar nga ortakët e mëposhtëm sipas kontributit të mëposhtëm:
 - Z. Ednor Aliaj, shtetas shqiptar, lindur në Fier dhe banues në Tiranë, Rr. Isa Boletini, apartamenti nr. 22 , mbajtës i kartës së identitetit me nr . I20907086 do ofrojë një kontribut në para të barabartë me ½ e kapitalit fillestar prej 5 000 lekë duke depozituar një vlerë të njëjtë në llogarinë e shoqërisë pas formimit;
 - Z. Besian Dermishaj, shtetas shqiptar, lindur në Tropojë dhe banues në Durrës, Lagjja 18, rr. Shën Spiridhoni, mbajtës i kartës së identitetit me nr. I70609079P do ofrojë një kontribut në para të barabartë me ½ e kapitalit fillestar prej 5 000 lekë duke depozituar një vlerë të njëjtë në llogarinë e shoqërisë pas formimit;
- 1.3 Shoqëria do të funksionojë sipas legjislacionit shqiptar
- 1.4 Statuti është në përputhje me legjislacionin shqiptar që ka karakter të detyrueshëm, ndërsa çështjet që nuk janë shprehimisht të parashikuara në të, plotësohen nga legjislacioni shqiptar.

Neni 2 - Emërtimi

Emërtimi i Shoqërisë është "Aliaj-Dermishaj&Partners" Sh.p.k.

Neni 3 - Objekti i shoqërisë

- 3.1 "Shoqëria ka si objekt; shërbime, ndihmë dhe konsulencë juridike nëpërmjet këshillimit ligjor për çështje të ndryshme; përgatitjes së kërkesë padive ose të kërkesave gjatë



procedimit civil, administrativ dhe penal, si dhe të kërkesave ankimore, rekursve kundër vendimeve gjyqësore, atyre të organit të prokurorisë, arbitrazhit ose të organeve të administratës publike; Përgatitjes së kërkesave drejtuar Gjykatës së Apelit, Gjykatës së Lartë, Gjykatës Kushtetuese, Gjykatave Ndërkombëtare dhe çdo organizmi në të cilin aderon Republika e Shqipërisë;

Përgatitjes së ankesave dhe kërkesave të personave fizikë dhe juridikë; përpilimit të akteve që i nënshtrohen veprimtarive noteriale; Hartimit të kontratave e të Marrëveshjeve, si dhe të ç'do dokumenti tjetër që sjell ose synon të sjellë pasoja juridike; Pranisë si mbrojtës në kohën e shoqërimit, ndalimit, arrestimit gjatë procesit të hetimit, shqyrtimit gjyqësor të personave në çështjet penale; Përfaqësimit të personave fizikë dhe juridikë në çështjet civile dhe administrative në gjykatë, në arbitrazh dhe në organe të tjera të administratës publike;

Këshillimit e asistencës ligjore, përpilimit të akteve, krijimin, regjistrimin e shoqërive tregtare ose personave të tjerë juridikë, asistencës ligjore në vijimësi të aktivitetit të tyre si dhe marrëdhëniet e tyre me institucione, organe, persona fizikë dhe juridikë për arritjen e marrëveshjeve tregtare si brenda dhe jashtë vendit; Konsulencë ligjore dhe asistencë në përpilimin e dokumentacionit për pjesëmarrje në tendera, marrjen e lejeve të ndryshme apo ndjekje të procedurave të tenderave dhe prokurimeve publike; Veprimtari të tjera të ndihmës juridike që parashikohen në ligj.

- 3.2 Shoqëria mund të kryejë dhe aktivitete që kanë të bëjnë me hartimin, zbatimin, krijimin dhe asistencën të çdo produkti të lidhur me fushën juridike dhe akademike, botime të çdo lloji, si për vete shoqërinë ashtu edhe për të tretë; dhe për zhvillimin e aktiviteteve tregtare dhe industriale të çdo lloji; blerjen, shitjen, shkëmbimin, qiramarrjen, menaxhimin, administrimin e pronave të veta të luajtshme e të paluajtshme, e të të tretëve, si dhe zhvillimin e të gjitha aktiviteteve të lidhura drejtëpërdrejtë ose indirekt me aktivitetin e pronave të veta në përgjithësi.
- 3.3 Shoqëria mund të kryejë çdo operacion tregtar, të blejë dhe shesë ose marrë me qira ndërmarrje, degë ndërmarrjesh, si edhe të ketë interesa ose pjesëmarrje në shoqëri, ente, konsociume, të themeluara apo në themelim e sipër, që kanë objekt të njejtë ose të ngjashëm me të vetin apo gjithsesi funksional për arritjen e qëllimeve të shoqërisë. Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të shoqërisë".

Neni 4 – Selia

- 4.1 Selia e Shoqërisë është në Rr. 'Rreshit Çollaku', Pallatet Shallvare, shkalla 4, apartamenti 45 Tiranë.
- 4.2 Transferimi i selisë së Shoqërisë në një vend tjetër bëhet me vendimin e Asamblesë së Ortakëve.



- 4.3 Asambleja e Ortakëve mund të vendosë hapjen e filialeve, degëve dhe përfaqësive të Shoqërisë në qytete të tjera të Shqipërisë si edhe jashtë saj.

Neni 5 - Kohëzgjatja e veprimtarisë

- 5.1. Kohëzgjatja e veprimtarisë së Shoqërisë do të jetë e pakufizuar.
5.2. Shoqëria mund të prishet përpara ketij afati ose mund të zgjasë kohëzgjatjen e saj me vendim të Asamblesë së Ortakëve.

KAPITULLI II KAPITALI THEMELTAR, KONTRIBUTET, NDARJA E KUOTAVE TE KAPITALIT

Neni 6 - Kapitali themelar

- 6.1 Kapitali themeltar i shoqërisë është 10 000 (dhjetëmijë) lekë.
6.2 Kapitali themeltar i shoqërisë përbëhet nga 2 (dy) kuota, të gjitha të nënshkruara me vlerë nominale 5 000 (pesëmijë) lekë secila.

Neni 7 - Kontributet dhe kuotat

- 7.1 Kontributi në kapitalin e shoqërisë është ofruar si më poshtë:
- Z. Ednor Aliaj, shtetas shqiptar, lindur në Fier dhe banues në Tiranë, Rr. Isa Boletini, apartamenti 22, mbajtës i kartës së identitetit me nr. I20907086 do ofrojë një kontribut në para të barabartë me $\frac{1}{2}$ e kapitalit fillestar prej 5 000 lekë duke depozituar një vlerë të njëjtë në llogarinë e shoqërisë pas formimit;
 - Z. Besian Dermishaj, shtetas shqiptar, lindur në Tropojë dhe banues në Durrës, Lagjia 18, rr. Shën Spiridhoni, mbajtës i kartës së identitetit me nr. I70609079P do ofrojë një kontribut në para të barabartë me $\frac{1}{2}$ e kapitalit fillestar prej 5 000 lekë duke depozituar një vlerë të njëjtë në llogarinë e shoqërisë pas formimit;
- 7.2 Sipas kontributeve të mësipërme:
- Z. Ednor Aliaj, do të mbajë 1 (një) kuota, e cila përfaqëson $\frac{1}{2}$ të kapitalit të shoqërisë
 - Z. Besian Dermishaj, do të mbajë 1 (një) kuota, e cila përfaqëson $\frac{1}{2}$ të kapitalit të shoqërisë;



Neni 8 - Rritja e kapitalit themeltar

- 8.1 Kapitali themeltar mund të rritet pa kufi në çdo moment, një ose disa herë, me vendim të Asamblesë së Jashtëzakonshme të Shoqërisë.
- 8.2 Në rast rritjeje të kapitalit, kuotat e ortakëve të Shoqërisë do të rriten sipas shumave të përcaktuara në vendimin e asamblesë.

Neni 9 - Zvogëlimi i kapitalit themeltar

- 9.1 Shoqëria mund të zvogëlojë kapitalin themeltar me vendimin e Asamblesë së Jashtëzakonshme të Shoqërisë. Në çdo rast kapitali themeltar nuk mund të zvogëlohet nën kufijtë e parashikuar nga ligji.
- 9.2 Zvogëlimi i kapitalit përballohet nga secili prej ortakëve sipas shumave të përcaktuara në vendimin e asamblesë.

Neni 10 - Transferimi i kuotave të kapitalit dhe e drejta e parablerjes

- 10.1 Kuotat e kapitalit janë lirisht të transferueshme ndërmjet ortakëve, sipas nenit 73 të ligjit 9901, date 14.04.2008 "*Për Tregtarët dhe Shoqëritë Tregtare*".
- 10.2 Në rast të largimit të plotë të njërit prej ortakëve, kuotat e tij i kalojnë menjëherë ortakut tjetër të Shoqërisë.
- 10.3 Në rast transferimi të pjesëve të kuotave të kapitalit në çdo lloj forme në favor të personave të tjerë nga ata të parashikuar më sipër, si me shpërblim ashtu edhe pa shpërblim, me çdo kusht, duke përfshirë edhe dhurimin, ortakët e tjerë gëzojnë të drejtën e parablerjes mbi këto kuota kapitali.
- 10.4 Në një rast të tillë ortaku që do të transferojë kuotat e tij të kapitalit duhet t'i njoftojë ortakët e tjerë, me letër rekomande me kthim përgjigje, mbi synimin për shitjen, çmimin, kushtet, modalitetet, emrin e blerësit dhe afatet e transferimit. E drejta e parablerjes i referohet të gjitha kuotave të kapitalit ofruar për shitje.
- 10.5 Ortakët do të kenë në dispozicion 60 (gjashtëdhjetë) ditë nga marrja e letrës rekomande, për t'i komunikuar ortakut që transferon pjesën e kuotave të kapitalit, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, prezumohet se kanë hequr dorë nga e drejta e tyre e parablerjes.
- 10.6 Në rast se oferta pranohet nga disa ortakë, kuotat e kapitalit të ofruara nga ortaku që transferon kuotat e kapitalit, do të ndahen nga ortakët pranues, në të njëjtën masë me kuotat që ata zotërojnë, përveç rastit kur ka një marrëveshje të kundërt. Në asnjë rast, pranuesi i ofertës nuk mund të ushtrojë pjesërisht të drejtën e parablerjes.



- 10.7 Në rast se nuk ushtrohet e drejta e parablerjes, kuotat e kapitalit mund t'i transferohen të tretëve plotësisht apo pjesërisht, me vendimin e Asamblesë së Jashtëzakonshme të Shoqërisë
- 10.8 Në rast të transferimit të kuotave të kapitalit për shkak trashëgimie *mortis causa* ortakët e tjerë kanë të drejtë të shprehin pëlqimin e tyre për ortakët e rinj. Nëse ortakët e Shoqërisë nuk japin pëlqimin e tyre për ortakët e rinj kuotat e kapitalit mund t'i transferohen të tretëve plotësisht apo pjesërisht, me vendimin e Asamblesë së Jashtëzakonshme të Shoqërisë.

KAPITULLI ASAMBLEJA, ADMINISTRATORËT DHE EKSPERTI KONTABËL

Neni 11 - Asambleja e ortakeve dhe kompetencat e saj

- 11.1 Organi vendimmarrës i Shoqërisë është Asambleja e Ortakëve
- 11.2 Vendimet e Asamblesë së Zakonshme, për të cilat kërkohet një shumicë e thjeshtë, janë të vlefshme nëse janë të pranishëm në mbledhje ortakët që përfaqësojnë më shumë se 50 % (pesëdhjetë përqind) të të gjithë kapitalit themeltar. Vendimet e Asamblesë së Jashtëzakonshme, për të cilat kërkohet një shumicë e kualifikuar, janë të vlefshme nëse janë të pranishëm në mbledhje ortakët që përfaqësojnë më shumë se 70 % (shtatëdhjetë përqind) të të gjithë kapitalit themeltar.
- 11.3 Nëse Asambleja nuk mund të mblidhet për shkak të mungesës së kuorumit të përmendur në nenin 11.2 të këtij statuti, Asambleja do të mblidhet përsëri jo më vonë se 30 ditë, me të njëjtin rend dite.
- 11.4 Asambleja e Jashtëzakonshme vendos me shumicë të kualifikuar prej 3/4 (tre të katërtat) të votave të ortakëve të pranishëm në lidhje me ndryshimin e statutit, rritjen dhe zvogëlimin e kapitalit, shpërndarjen e fitimit, riorganizimin dhe zgjidhjen e Shoqërisë. Në të gjitha rastet e tjera, përveç sa është parashikuar në ligj dhe në statut, Asambleja vendos në mbledhjen e zakonshme me votën e shumicës së ortakëve të pranishëm.

Neni 12 - E drejta e pjesëmarrjes dhe e votës

- 12.1 Çdo ortak ka të drejtë të marrë pjesë në Asamble, të paraqesë mendimin e tij dhe të japë aq vota sa është numri i kuotave të kapitalit që ai zotëron.
- 12.2 Cdo ortak ka të drejtë të përfaqësohet nga një person tjetër edhe jo-ortak, i pajisur me prokurë me shkrim, me anën e së cilës mund të japë votën e tij.



- 12.3 Ortaku nuk mund të lëshojë prokurë për votim për një pjesë të kuotave të kapitalit që zotëron, në qoftë se voton personalisht për pjesën e mbetur të kuotave.

Neni 13 – Thirrja e Asamblesë së Ortakëve

- 13.1 Asambleja e Ortakëve thirret të paktën një herë në vit, brenda 6 (gjashtë) muajve nga mbyllja e vitit financiar për miratimin e bilancit, të raportit të Administratorit, ekspertit kontabël si dhe inventarit.
- 13.2 Asambleja mund të thirret në çdo moment nga një prej Administratorëve ose nga një ose disa ortakëve që përfaqësojnë më shumë se 5% (pesë përqind) të kapitalit themeltar.
- 13.3 Asambleja duhet të thirret nëpërmjet njoftimit me letër rekomande me kthim përgjigje që duhet t'u dërgohet ortakëve - në adresën që rezulton në Librin e Ortakëve - dhe ekspertit kontabël (nëse është emëruar), të paktën 15 (pesëmbëdhjetë) ditë përpara mbledhjes së Asamblesë. Thirrja duhet të përmbajë informacion mbi llojin e Asamblesë, mbi çështjet që do të trajtohen dhe për të cilat do të merret vendim, mbi vendin, orën dhe datën e thirrjes së parë dhe të dytë,
- 13.4 Asambleja mund të thirret edhe jashtë selisë së Shoqërisë, në Shqipëri.
- 13.5 Mbledhjet e Asamblesë mund të mbahen edhe nëpërmjet telekonferencës dhe videokonferencës, me kusht që të gjithë pjesëmarrësit të mund të identifikohen dhe t'i lejohet atyre të ndjekin diskutimin dhe të ndërhyjnë në momentin e trajtimit të argumenteve; pasi të jenë verifikuar këto kërkesa që duhet të rezultojnë në procesverbalin e mbledhjes, Asambleja konsiderohet e mbajtur në vendin ku ndodhet Kryetari në të cilin duhet të ndodhet edhe Sekretari i mbledhjes.
- 13.6 Asambleja do të thirret dhe mbahet rregullisht edhe pa respektimin e formaliteteve të njoftimit, në rast se janë të pranishëm ortakët që përfaqësojnë të tërë kapitalin themeltar.
- 13.7 Asambleja vendos mbi ndryshimet në Statut me votën *pro* të ortakëve që përfaqësojnë të paktën 3/4 (tre të katërtat) e ortakëve të pranishëm.
- 13.8 Çdo Asamble drejtohet nga një ortak ose ndonjë person tjetër i caktuar nga e njëjta Asamble. Për pasqyrimin e vendimit Asambleja ernëron një Sekretar, që mund të jetë edhe jo-ortak.
- 13.9 Vendimet e Asamblesë duhet të nënshkruhen nga Kryetari i Asamblesë dhe nga Sekretari



Neni 14 – Administrimi

- 14.1 Shoqëria administrohet nga të paktën 1 (një) Administrator dhe maksimumi 3 (tre) Administratorë, të cilët qëndrojnë në detyrë deri në revokimin apo dorëheqjen, për një periudhe maksimale prej 2 (dy) vjetësh.
- 14.2 Përfaqësimi ligjor i Shoqërisë i besohet Administratorit. Administratori do të ushtrojë të gjitha kompetencat sipas parashikimeve të nenit 95 të ligjit n. 9901 datë 14.04.2008 "Për Tregtarët dhe Shoqëritë Tregtare".
- 14.3 Administratorët mund të emërojnë përfaqësues të posaçëm për akte të veçanta ose për kategori aktesh.
- 14.4 Administrator i parë i Shoqërisë me themelimin e saj do jetë personi si më poshtë:
- Z. Besian Dermishaj, shtetas shqiptar, lindur në Tropojë dhe banues në Durrës, lagjja 18 rr. Shën Spiridhoni, mbajtës i kartës së identitetit me nr. I70609079P.

Neni 15 - Eksperti kontabël i autorizuar

- 15.1 Në rast se kërkohet nga ligji apo vendoset nga Asambleja e Ortakeve, kontrolli i bilanceve dhe librave kontabël të Shoqërisë mund t'i besohet një eksperti kontabël të autorizuar.
- 15.2 Eksperti kontabël i autorizuar mund të shkarkohet sipas mënyres së parashikuar nga legjislacioni në fuqi

KAPITULLI IV

VITI FINANCIAR, BILANCI VJETOR, SHPËRNDARJA E FITIMEVE

Neni 16 - Viti financiar dhe bilanci vjetor

- 16.1 Viti financiar fillon me 1 janar dhe mbaron me 31 dhjetor të secilit vit.
- 16.2 Viti i parë financiar fillon në datën e regjistrimit të Shoqërisë në Regjistrin Tregtar dhe perfundon më 31 dhjetor të të njëjtit vit.
- 16.3 Bilancet vjetore, inventari, raportet e Administratorit dhe ekspertit kontabël të autorizuar (nëse është emëruar) miratohen nga Asambleja me shumicën e përcaktuar sipas ligjit 9901, datë 14.04.2008 "Për Tregtarët dhe Shoqëritë Tregtare".
- 16.4 Miratimi i dokumenteve që lidhen me vitin financiar duhet të bëhet brenda 6 (gjashtë) muajve që nga fundi i vitit financiar



Neni 17 - Fitimet

- 17.1 Fitimet që rezultojnë nga bilanci vjetor, duke zbritur 5% (pesë për qind) që caktohen për rezervën ligjore, dhe duke zbritur gjithashtu të gjitha shumat që Asambleja vendos ti vërë mënjane, u shpërndahen ortakëve në proporcion me kuotat e kapitalit themeltar të zotëruara.
- 17.2 Asambleja mund të vendosë edhe zbritje të vecanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, për vitet financiare të ardhshme.

KAPITULLI V SHPËRNDARJA DHE LIKUIDIMI I SHOQËRISË

Neni 18 – Prishja

- 18.1 Shoqëria priset me përfundimin e afatit të parashikuar nga statuti ose përpara përfundimit në rastet e parashikuara nga ligji, ose me anë të një vendimi të Asamblesë së Ortakëve, me shumicën e kërkuar për ndryshimet në statut
- 18.2 Shoqëria nuk priset në rast të humbjes së zotësisë për të vepruar, pazotësisë juridike, vdekjes, ose falimentimit të ortakëve.

Neni 19 - Likuidimi

- 19.1 Në rast prishje, Shoqëria duhet të likuidohet.
- 19.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 19.3 Me përfundimin e procedurës së likuidimit, Asambleja do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.
- 19.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me kuotat e kapitalit të zotëruara prej tyre në kapitalin themeltar.

Neni 20 - Zgjidhja e mosmarrëveshjeve

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe aktit të themelimit, si edhe ato që rrund të lindin në përgjithësi midis ortakëve (përveç atyre personale apo jashtë Shoqërisë) ose midis një



apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.

- 20.2 Në rast se nuk arrihet në një zgjidhje rriqësore të mosmarrëveshjes, ato do t'i besohen Gjykatës së Rrethit Gjyqësor Tiranë.

Neni 21 - Gjuha

- 20.1 Ky statut është i përbërë nga 6 (gjashtë) kopje në gjuhën shqipe që kanë vlerë të njëjtë ligjore.

Ednor Aliçaj


Besirion Dermishogj
